

Oké Take Away
Nos Special
Cuminda
Crioyo

565-3232

S ILO
Prijs **1.25**
Di Pueblo
BRIYANDO FUERTE • TRECIENDO CLARIDAD
Dialuna 28 Augustus 2023

**Hulanda ta
exigi RAFT pa
asegura cu
acuerdonan no
wordo cambia
den proximo
gobiernonan**

**Homber deteni na
Kamay y hopi droga
haya den cas; mas
detencion por cay**



FRAUDE
**A DESCUBRI
CIENTOS DI
CERTIFICADO
DI MATRIMONIO
FALSIFICA
PA DUNA
STRANHERO
DERECHO**



**Hoben di 23 aña a
pone fin na su bida
door di tira su mes**



HENDE COMUN Y CORIENTE
Diamars 29 di augustus 2023

**Perdida di un ser keri
y e proceso di rouw
ta topico den Hende
Comun y Coriente

Diamars anochi
8.30 na Tv 22**



KVK - AHATA - ATIA - CUA:

**Un
Parla-
mento
respon-
sabel ta
acepta
RAft**



Hende Comun y Coriente Diamars

29 di augustus 2023

**Perdida di
un ser keri y
e proceso di
rouw ta topico
den Hende
Comun y
Coriente

Diamars
anochi 8.30
na Tv 22**



Nos sigiente episodio lo ta tocante e perdida di un ser keri. E proceso di rouw ta algo fuerte y diferente pa cada ken cu a of ta pasando aden. E por ta algo di lunas pero tambe anas. Niun hende por bisa con hopi e lo dura. Ta un proceso cu ta tuma tempo. Abo so por sa



e dolor, e bida cu tin di sigi sin bo ser keri.

Nos lo papia cu Eric Gamez cu ana pasa a perde su yiu muhe di apenas

3 ana. Un dia cu mester tawata un dia di gozo y alegria a caba den un tragedia. Sintonisa nos diamars awo na Canal 22 pa 8.30 di anochi.

Hoben di 23 aña a pone fin na su bida door di tira su mes



Rooi Koochi: Diasabra den oranan di merdia presencia di polis y ambulance a wordo pidi cu urgencia na un adres na Rooi Koochi, pa motibo cu den un apartamento un hoben a tira su mes.

Na yegada enberdad a bin constata cu e cabayero

hoben aki di 23 aña yama Ivano Phelipa a pone fin na su bida door di a tira su mes cu un arma di candela.

Polis nan a haci nan investigacionnan necesario y tur cos ta indica cu e la pone fin na su bida.

Si abo of un persona cu bo conoce tin pensamentonan di suicidio, por favor yama Respaldo na (+297) 5815000 o yama Dr: Horacio E. Oduber Hospital na (+297) 5274000 pa ayudo.

Fraude: A descubri cientos di certificado di matrimonio falsifica pa duna stranhero derecho

Caso 'Abielu' awe dilanti Corte

Awe e caso penal yama 'Abielu' a wordo trata contra e homber O.A.T.H. di 65 aña di edad.

T.H. ta wordo acusa di a regla actanan falsifica di matrimonio riba escala grandi y pa pago durante un periodo di mas cu siete aña.

E actanan falso aki a wordo siguiientemente usa pa regla inscripcion di matrimonio na Dienst Burgerlijke Stand y Bevolkingsregister (Censo). Di e manera aki un gran cantidad di persona a adkeri residencia.

Durante e tratamento den Corte a repasa mas cu binti caso den cual e supuesto parehanan di matrimonio a declara di a paga sumanan cuantioso na e sospechoso pa e actanan falso.

Den algun di e casonan aki a hasta, riba indicacion di e sospechoso, pone portretnan di casamento den escena of regla un

partner di matrimonio Arubiano, tambe contra pago.

Banda di e investigacion penal cu Recherche a haci, Censo tambe a haci investigacion di situacionnan comparable den cual e sospechoso en cuestion ta parce di ta involvi. Ta ser premira cu ainda lo bay descubri varios docena di matrimonio ficticio.

E consecucionan pa Pais Aruba ta grandi, considerando cu residencia di tur e personanan involvi a wordo adkeri na manera ilegal.

Esey ta haci cu e divorcionan cu a bin despues, e residencianan concedi, e muchanan reconoci den matrimonio, etcetera, ningun no tin validez y lo mester wordo cancela. Tambe den e casonan cu no a wordo inclui den e caso penal cu a sirbi awe y cu ta wordo investiga pa Censo, algun



di nan bayendo bek te algun decada pasa. Banda di esaki e personanan a haci uso indebido di e sistema social di Pais Aruba, manera benificianan (pensionnan) y premienan (AZV).

E sospechoso a alavez debilita e maneho di stranheria di Pais Aruba cu su actonan.

El a tambe gana sumanan

di placa grandi cu e actanan di matrimonio falsifica. For di investigacion financiero ta resulta cu e no por duna splicacion pa casi 300.000 na gastonan. Fiscal di husticia a exige recuperacion di e suma aki (ontneming) y a pidi un castigo di prison di cinco aña contra e sospecho, kende ta nenga di duna apertura.

Clientenan di e actanan falsifica di matrimonio, esta e personanan cu a cera un matrimonio ficticio, lo wordo persigui mas despues. Manera ya menciona, e resultadonan di e investigacion di Censo y di Recherche lo mester tin consecuencia tambe pa nan residencia legal na Aruba.

Hulanda a duna Ucrancia 42 avion di combate F16



Recientemente Hulanda a anuncia cu nan lo manda 42 avion di combate F16 pa Ucraina.

Hulanda ta aliado di Merca y ademas na 2014 Russia a benta un avion abao unda 196 Hulandes a perde nan bida.

Cada avion F16 tin un valor average di 30

miyon dollar.

Esaki ta totalisa 1260 miyon dollar y na florin ta 2205 miyon florin.

Prome cu esaki Hulanda a sostene Ucraina na inicio di e guerra y awor a confirma di lo manda 42 x F16 pa Ucraina.

Nos tin pa lunch 28 aug.

-Carni stoba

Aroz blanco, Salada, funchi, Banana hasa

-Pia di galiña cu mushroom sauce

Aroz blanco, Salada, funchi, banana hasa

-Bacalao

Aroz blanco, salada, funchi, banana hasa

-Sopi pisca

funchi of pan bati

-Porkchop-Chicken breast-Balchi pisca

565-3232

11:00 am - 3:00 pm

KVK - AHATA - ATIA - CUA: Un Parlamento responsabel ta acepta RAft

, 25 Augustus 2023 – Gremionan representando sector priva, e motor di Aruba su economia, ta preocupa pa e sacrificio financiero cu nos comunidad ta confronta. Aruba Trade & Industry Association, Aruba Hotel & Tourism Association, Comerciantenan Uni, y Camara di Comercio, ta pone hopi atencion na maneho di finanzas publico, pa motibo cu ta nos economia ta genera e fondonan cu gobierno ta gasta.

Actualmente, Aruba su Parlamento y Gobierno tin oportunidad pa yega na un acuerdo cu Hulanda cu lo tin dos beneficio:

1. Costa nos pais menos den debe.
2. Garantisa finanzas publico responsabel den añanan benidero.

Pa logra e beneficianan grandi aki pa henter nos populacion, Aruba mester acepta supervision financiero cu un ley di Reino; RAft. Si Aruba bai di acuerdo cu RAft, Hulanda ta ofrece Aruba fianza na tasa di interes di 3.1%. Ta un hecho cu Aruba no por presta placa ningun caminda na e tasa di interes asina abao. Segun Hulanda e tarifa di interes ta nan costo pa presta den mercado. Si tin duda cu esey ta e costo real, mester ta posibel pa laga expertonan di ambos pais verifica esey. Si Aruba nenga di fia di Hulanda y fia den mercado, lo mester paga un interes hopi mas halto: entre 6 y 8%.

Realidad ta cu Aruba a bai di acuerdo cu Hulanda caba pa cumpli cu e normanan den e ley, y cu ta trata di e mesun normanan cu mester cumpli cun'e den un LAft (un ley di Aruba). E unico diferencia entre un LAft y e RAft ta cu Aruba por unilateralmente cambia e acuerdo den un LAft. Esey kiermen cu lo no tin garantia cu den añanan benidero e gobierno actual of gobierno siguiente lo cumpli.

E motibo cu ta importante pa cumpli cu e normanan relaciona cu presupuesto, gasto di personal publico, y debe nacional, ta cu mester reduci e peso cu tin riba



lomba di nos comunidad pa sostene nos finanzas publico.

KVK, AHATA, ATIA, CUA ta enfatisa: Si Aruba no acepta RAft, Aruba ta perde oportunidad pa ayudo di Hulanda pa refinancia debe na un interes mucho mas abao. Considerando cu ta trata di mesun normanan cu LAft, pero por skapa nos comunidad por lo menos AFL 30 Miyon pa aña, un Parlamento responsabel cu ta priorisa bienestar di e comunidad cu nan t'ey pa sirbi, mester skohe pa RAft.



Rente-/looptijdentabel

	Rente indicatief	Looptijd
Akkoord op voorwaarde	3,1%	Lang
Akkoord nog niet bereikt	5,1%	Kort
Geen akkoord op voorwaarde	6-8%	Lang

Ik zal hieronder het aanbod per land toelichten.

Aruba

Conform de motie-Kamminga/Van den Berg³ is voor Aruba de voorwaarde voor een lage rente het tot stand komen van een akkoord over een rijkswet waarin het financieel toezicht duurzaam wordt verankerd. Dit omdat een rijkswet het enige instrument is dat niet eenzijdig door Aruba kan worden gewijzigd. Na overleg lijkt de regering van Aruba toch open te staan voor de inzet van een rijkswet voor het financieel toezicht. Momenteel heeft Nederland nog geen voorstel ontvangen van Aruba en is er nog geen bestuurlijk akkoord bereikt over een rijkswet. Om die reden wordt de herfinanciering van de lening van 500,3 mln. (AWG 915,5 mln.) aangeboden tegen de hogere rente van 6-8%. Verder begrijpen wij dat Aruba in overleg is met het IMF om binnenkort een onafhankelijke doorrekening van de herfinanciering te kunnen presenteren. Deze is nog niet afgerond en daarom wordt momenteel het basisaanbod van een 20-jarige annuïtaire lening gedaan.



TAKE OFF + CASH BACK

TA BEK PA TEMPO LIMITA



Un chance pa bo gana te cu
10% Cash Back
riba e balor di bo auto nobo.

- . Tur deal aproba y firma lo haya 1% Cash Back riba e balor di e auto nobo.
- . Alabes lo participa pa gana 10% di e balor di e auto nobo.
- . 10 premio mas di cada un Afl. 500.00 pa The Movies at GLORIA.
- . Un pago mensual cu ta fit den bo presupuesto.
- . Aprobacion den 24 ora si ta cumpli cu tur rekisito y condicion.
- . Pidi bo agencia di auto preferi pa e "Take Off+Cash Back" deal di CMB.

Pidi bo agencia di auto preferi pa e "Take Off+Cash Back" deal di CMB.

Pa cualkier pregunta of pa haci un calculacion por fabor tuma
contact cu nos via nos Live Chat di eAmigo.

***Ganadornan lo wordo anuncia dia 30 di Oct 2023.**

Presta responsabel. E oferta aki (Take Off+Cash Back) ta valido te cu 30 di september, 2023 y ta exclusivamente pa clientenan cu tin un record di pago satisfactorio segun exihencianan di Caribbean Mercantile Bank N.V. Clientenan cu aplica pa un prestamo personal pa financia un auto nobo ta bin na remarca pa un interes efectivo cu ta varia entre 7.14% p.a. y 6.32% p.a. pa sumanan entre minimo Afl. 50,000.00 te cu maximo Afl. 150,000.00 cu un termino pa paga bek di te cu 6 aña. Un cobranza pa seguro di bida di Afl. 10.00 pa cada luna, y un gasto di administracion di Afl. 15.00 pa cada luna lo wordo aña automaticamente na bo prestamo. Caribbean Mercantile Bank N.V. ta reserva e derecho di por cobra un boet riba prestamonan cu wordo cancela prome cu e tempo acorda. Den e caso di un periodo di preaviso por escrito di seis luna o menos: suma igual na 3 (tres) luna di interes, cu un minimo di Afl. 500.00 lo ta aplicabel. Tumando un periodo di preaviso di mas di seis luna: Afl. 500.00 lo ta aplicabel. Caribbean Mercantile Bank N.V. ta reserva e derecho di por cancela e promocion aki na cualkier instante. E relacion entre Caribbean Mercantile Bank N.V. y su clientenan ta wordo determina pa e Condicionnan General di Caribbean Mercantile Bank N.V.



SCAN Y PRE-APLICA

Chat cu nos

cmbnv.com

[f cmbnews](#) [i cmbnv](#) [t bobancoamigo](#)

Prome Minister Evelyn Wever-Croes: DURANTE E REUNION CU CAFT, GOBIERNO DI ARUBA A RICIBI VARIOS ELOGIO



Diabierna ultimo, Prome Minister Evelyn Wever-Croes hunto cu Minister di Finanzas Xiomara Maduro a reuni cu representantenan di CAFT, cu tabata na Aruba pa busca algun informacion, y kier a trece algun tema dilanti. Prome Minister a indica cu durante e reunion, CAFT a elogia Gobierno riba varios punto, y a trece dilanti e puntonan cu mester mas atencion. Gobierno a ricibi elogio pa termina e presupuesto 2024 na tempo, y cu awor ta den proceso pa wordo entrega door di Minister di Finanzas, pa dia 1 di September manera prescribi pa ley, tambe pa e surplus cu tin den e presupuesto, entradanan cu ta bayendo bon, y pa e cuadro multi-annual di diferente aña cu a wordo inclui.

Otro tema cu Prome Minister a trece dilanti, ta e cambio di ley di supervision, e Laft, cu ta un cambio di ley cu Gobierno a traha, na unda ta bay inclui e normanan nobo, y lo ta entregando esaki na Parlamento proximamente.

Prome Minister a splica cu lo tin 3 norma nobo den e ley. E prome ta e norma presupuestario, cu ta indica cu mester tin 1% di surplus cada aña. Esaki ya caba gobierno ta cumpliendo cune cabalmente. E di dos ta e personeelslasten norm, cu ta e gastonan di personal cu mester yega na nivel di 10% di e GDP maximo pa 2027. Esaki ta nifica cu e gastonan di personal, no por surpasa 10% di e gastonan di GDP. E norma aki ta conta pa mayoria di pais den region. Aworaki,



Aruba ta na 11% cu ta haci cu facilmente lo yega na e 10% aki pa 2027. E di tres norma ta e schuldenlasten norm cu ta e debe di pais Aruba. Pa cu e di tres norma, tin un palabracion cu e debe nacional mester baha na 70% pa 2031, y na

50% pa 2040. Por conclui cu esaki ta bayendo bon, mirando cu IMF a indica den su ultimo rapport cu Aruba lo alcanza e 70% na 2028, cu ta 3 aña prome cu e plabracion haci.

Premier Wever-Croes

a indica cu e reunion a bay den bon ambiente y tabata uno positvo. E representantenan lo regresa Aruba na Oktober, na unda lo reuni un biaha mas riba e desaroyonan andando

Hulanda ta existi RAFT pa asegura cu acuerdonan no wordo cambia den proximo gobiernonan

Den un declaracio haci na prensa, Secretario di Estado Sra Van Huffelen a bisa cu e motibo principal cu Hulanda ta existi un rijkswet RAFT pa finanzas di Aruba, ta pa asegura y alaves evita cu un proximo parlamento di Aruba of Gobierno por dicidi na cambia acuerdo of incumpli cu acuerdo.

Cu otro palabra e RAFT no ta dirigi pa Gobierno di MEP, cu si ta gobernando drechi, pero mas bien ta pa descarta tur posibilidad si encaso otro hende drenta den parlamento of gobierno, y kier cambia cos.

E ley di RAFT lo mara man di proximo parlamento of gobierno.

Logicamente Hulanda

kier cera tur posibilidad pa Mike Eman, si encaso e bolbe yega den Gobierno, mirando e rebeldia cu Mike a haci na 2014, di comporta su mes manera un “tiener meisje”. Mike Eman no a cumpli cu NINGUN acuerdo cu Hulanda. Te hasta e witte donderdag akkoord a wordo poni un banda. Pesey nan ta desconfia den Aruba, danki na Mike Eman y su bende.

Gobierno di MEP y RAIZ ta cumpliendo y ta gobernando drechi. Nan ta hasiendo todo por todo pa baha gasto, baha cantidad di personal den servicio di gobierno y cumpli cu norma estableci pa asina yega surplus pa pa cuminsa paga e mega debe.

E intencion di RAFT ta



mishi cu e autonomia di Aruba, lo bypass parlamento, y no ta sin mas por dicidi pa esaki.

Van Huffelen a bisa cu

Premier di Aruba a bisa di lo tin un otro proposicion pa trece dilanti y Hulanda a brinde e oportunidad ey pa trece su proposicion nobo dilanti.

Cu otro palabra, ta negociando keto bay riba e RAFT.

Homber deteni na Kamay y hopi droga haya den cas; mas detencion por cay

Diabierna mainta Unit Narcotica a tene un accion y a haci un entrada hudicial na Kamay. Na e sitio a detene un persona. Na e sitio a detene un hende homber naci na Aruba cu inicial J.P.E. enconexion cu bendemento di marihuana, cocaína y como tambe xtc.

Na e sitio a confisca basta droga. E investigacion ta andando ainda y no ta descarta cu lo por tin mas detencion.

Unit Narcotica ta un unidad di Cuerpo Policial Aruba cu oficialmente a wordo lanta 1 augustus 2023. E unidad ta investiga tur loke ta bendemento di droga for di casnan, ariba caya, delivery, plataforma social y hasta area di hotelnan. Tambe e unidad ta investiga tur droga cu wordo intercepta pa Douane, US



Customs na aeropuerto, door di ambtenaarnan di KIA y tambe tur droga encontra durante cualkier control policial.

Pa Cuerpo Policial Aruba por resolve mas caso cooperacion y informacion di pueblo di Aruba ta hopi importante, pesey nos ta pidi si bo tin cualkier informacion

yama nos tiplijn di Polis cu ta: 11141. Nos ta garantisa cu bo ta keda anonimo.

MINISTER ENDY CROES TA PRESENTA CONCURSO DI PINTAMENTO 2023 – CACHO DEN CURA

CONCURSO di Pintamento 2023

Bo Kier Participa?

1. Participacion ta gratis! Tur muchanan di scol basico por participa (1e - 6e klas)
2. Si bo no a ricibi e formulario na scol, bo por download e formulario via: specialprojectsaruba.org
3. Tarea 1: Duna bo cacho un number
Tarea 2: Pinta un (of mas) cacho den cura
4. Bo pintura mester ta uno original y creativo, e pintura mester ilustra un cacho den cura y bo por incorpora mas di e puntonan di e Ley di Cacho den dje
5. E pintura mester ta den color y mester ta pinta door di e mucha mes
6. Un (1) pintura pa cada participante; entrega bo formulario no mas tarda cu dia 22 di september 2023 na Bestuurskantor Oranjestad, na HBK San Nicolas, of na e MFA mas cerca dibo
7. E ganadornan di cada klas lo wordo anuncia dia 4 di oktober 2023 Dierendag riba e pagina facebook di Gabinete Wever-Croes
8. Lo tin un regalito pa tur e ganadornan cu lo wordo entrega fin di oktober

Ley Di Cacho!

- Bo cacho mester ta den cura y no riba caya
- Bo cacho mester por tin suficiente espacio pa e por move den su cura y mester por soonde pa awasero, biento y solo, dus bo cacho mester tin un casita of mester por bay bou un dak
- Bo mascota mester haya awa limpi pa e bebe y cuminda fresco y adecuado, dus duna bo cacho cuminda di cacho
- Ora bo kier keiro cu bo cacho, mara un liña na su banchi pa bo tene, pa por tin control riba dje y mester piki su sushi si e pupu ora boso keiro 🍌
- Hiba bo mascota dokter di bestia ora e ta birando malo, ora e mester haya su vacuna, y ora e mester opera, por ehempel pa bo cacho no haya puppies

I love my PET

Informacion di Participante

Number y Fam: _____

Fecha di Nacemento: _____ Edad: _____

Scol: _____ Klas: _____

Number di Telefon di Mayor: _____

Un number faborito pa bo cacho: _____

I love my PET

Area pa pinta

Area pa pinta

: E aña aki ta di cinco aña consecutivo cu Gobierno di Aruba ta organisa un concurso caminda cu a traves di nan pintura muchanan ta expresa y siña tocante Aruba Ley di Cacho. E concurso aki a wordo carga e prome tres (3) añanan door di nos Minister-President Evelyn Wever-Croes tambe door di colega Minister di Husticia y Asunto Social Rocco Tjon. E aña aki e ta wordo carga door di Minister di Enseñansa Endy Croes cu a dicidi di sigui e liña di e campaña cu Cuerpo Policial a inicia: Cacho den Cura, ta Ley e Ta. Pa es motibo, e titulo di e Concurso di Pintamento 2023 ta: Cacho den Cura.

E meta di e Concurso di Pintamento 2023 ta pa sigui conscientisa comunidad, specialmente e muchanan, tocante e cuida debido di nan mascota y e muchanan na nan turno tambe lo por educa nan mayornan ora nan mira algo cu no ta cuadra. Si tur ciudadano di Aruba cuminsa inculca e atencion debido di nos leynan den nos muchanan, den e caso aki, e Ley di Cacho, nos lo por garantiza un miho futuro pa local ta trata doñonan di mascota responsabel cu ta respeta e ley y alabes nan propio cachonan.

Participacion ta gratis y ta habri pa tur mucha di scol basico (aña 1 te cu aña 6). Minister di Enseñansa su deseo ta pa e mes of su colega Minister di Naturalesa Ursell Arends bini cu

un concurso pa scol primario (kleuter) rond di e luna di october. E aña aki probablemente ta e ultimo biaha cu Gobierno di Aruba ta organisa e concurso pa scol basico di e manera aki, mirando cu ambos Minister Endy Croes y Minister Ursell Arends a caba di percura pa material di educacion tocante e tema, pa por drenta scol primario y scol basico pronto y pintamento similar lo forma parti di e material di educacion aki. Gobierno di Aruba ta hopi contento cu e participacion durante e ultimo añanan. Cu cooperacion di varios maestro y maestra, a registra mas di 400 pintura na aña 2019, na aña 2020 mas di 500 pintura, na aña 2021 mas di 1000 pintura y na aña 2022 mas di 1200 pintura! “Ohalá nos por conta cu un cantidad record e aña aki”, Minister Endy a expresa.

Pa e Concurso di Pintamento 2023, a diseña un formulario di participacion di dos (2) pagina. Pagina uno di e formulario ta e pagina di instruccion y ta contene e informacion necesario pa por participa y pagina dos ta caminda e muchanan tin di pinta un of mas cacho den cura segun nan propio imaginacion y demostra nan creatividad cu nan arte. E pintura mester ta original y por ilustra mas di e puntonan di nos Ley di Cacho. Ambos pagina mester wordo pinta door di e mucha mes, na color y sin ayudo di un mayor.

Dia 26 di augustus 2023 ta dia internacional di cacho y semper a purba lansa e concurso riba e fecha aki. Mirando cu e aña aki e fecha ta riba diasabra, a dicidi di hala e fecha cu un (1) dia. “Nos deseo ta pa tur scol participa y pa henter e comunidad di Aruba stimula tur alumno di scol basico pa participa cu nan talento na e Concurso di Pintamento 2023. Asina un bes mas, e concurso aki por ta uno exitoso.”, Minister Endy a señala. Si no a ricibi e formulario di participacion ainda, lo por download e formulario via www.specialprojectsaruba.org tambe pa print pagina 2 (e print mag ta blanco cu preto).

E fecha final cu e muchanan por entrega nan formulario di participacion ta diabierna dia 22 di september 2023. Tene cuenta cu e alumno mester entrega e pagina di tarea (pagina 2) cu tur informacion completo pa por participa. Por entrega e formularionan di participacion na Bestuurskantor Oranjestad, na HBK San Nicolas of na e MFA mas cerca di scol.

Lo tin un regalito pa e ganadonan di cada klas. E ganadonan lo wordo anuncia dia 4 di october 2023, Dia di Bestia, riba e pagina di Facebook di Gabinete Wever-Croes y e muchanan lo wordo invita den e luna di october despues di vakantie pa ricibi nan regalito.

Matrimonio cu acta falso mester wordo anula y tur abusador expulsa

Tin cientos di stranhero cu a abusa di pais Aruba, pa haya tur derecho, usando un acta di matrimonio falsifica. E fraude aki tin mas di 10 aña tumando lugar unda recientemente a trata e promer grupo di 20 pareha den corte. Ainda tin cientos mas, cual tin como un decada tumando lugar!

Una bes cu inscribi e acta, e muher of homber por drenta Aruba y ta haya tur cobertura legal manera AZV. Tambe ta cana e proceso cu e pareha Arubiano ta reconoce yiunan y asina por trece tur yiunan di exterior. Yiunan tambe ta haya AZV y ta wordo incorpora na scol.

Ora cu e fase aki culmina, e pareha stranhero ta pidi divorsio y asina e por keda trankil di dje na Aruba y asina por sigui su bida. Censo y corte a splica cu e persona aki ta bira awor ilegal, ora cu e acta aki a wordo descurbi, pasobra tur su derecho adqueri, ta a base falso. E ta hopi inhusto pa e stranhero cu SI a lucha y sacrifica pa ta legal. Mas tristo ta cu ta homber y muhernan Arubiano mes a coopera. Te hasta e pareha Arubiano den algun ocasion a cobra placa pa aparenta un casamento autentico. E casonan aki ta den man di husticia y e sospechoso principal a aparece dilanti



huez. El'a cobra na total 300 mil pa fabrica e acta di matrimonio y hasta falsifica firma di notario y stempel. Den casonan cu lo sigui, esnan cu a comete e fraude y saca beneficio tambe mester aparece dilanti huez.

Minister Endy Croes:

TA SIGUI INVERTI DEN ENSEÑANSA Dak di scol preparatorio Nos Paraiso a wordo renoba



Minister Endy Croes ta sigui inverti den infraestructura di enseñansa. Mientras cu e proyecto grandi di renobacion di Sint Aloysius School ta kedando cla otro luna, tin varios proyecto mas chikito di

mantencion ta tumando lugar. Recien a inverti pa renoba e dak di scol preparatorio Nos Paraiso. Pa hopi aña e scol primario aki tabatin problema serio cu lekmento, primordialmente e dak na entrada y ful e gang.

Despues cu Minister Endy Croes a bishita dicho school durante e dianan di celebracion di Himno y Bandera, cual tabata un bishita espectacular, unda Minister Endy Croes a gosa un mundo di e bunita show cu e maestro- y alumnonan a prepara. Mandatario di Enseñansa a ricibi un peticion pa drecha e dak. Minister Endy Croes a priminti cu den vakantie grandi lo percura pa esaki tuma lugar.

Den luna di augustus a renoba e dak completo di e entrada y e gang. Finalmente, scol preparatorio Nos Paraiso a keda masha contento cu e trabounan haci.



Poco poco pero sigur y cu hopi creatividad ta percura pa keda inverti den infraestructura di nos scolnan. Minister Endy Croes a priminti y a cumpli!

Accidente frontal na Hooiberg a laga varios persona herida atras



Hooiberg - Diasabra atardi varios unidad policial y tambe unidadnan di ambulance a sali direccion Hooiber, unda un accidente frontal a sosode.

Informacion a drenta na 911 di un accidente serio y cu hendenan herida.

Na yegada di polis nan a bin topa cu un SUV y un Nissan Sentra, ambos cu bastante daño material.

Varios persona a resulta herida den e accidente aki, y manera nos a bisa mester a usa varios ambulance, unda cu Paramediconan tawata man yen tratando

tur e heridonan.

Na final un cabayero di edad cu ta involvi den e accidente tawata sinta den cura di un cas, wardando un ambulance yega pa asina wordo transporta pa Hospitaal.

E area aki unda e acci-



dente a sosode ta un area unda varios accidente ya

sa sosode. Den pasado te hasta cu final fatal.



Pago online facil y lihe Abonnement of Aviso

Pa haci pago online pone number y adres na cuenta di Banco RBC Sunmax Printing
Account # 7700000100152447



SABIDURIA DEN NOS ALEGRIA

Skirbi pa Ruthy”Lady Ruth” Vrieswijk-Bergen



Ki dushi weekend traï lomba, cu un dushi kopi koffie combersando cu amiga colega Poeta escritor Ariana “Lady Ari” Koolman-Chirino den oranan di Diasabra mainta na Coffeehouse, papiando di arte y cresemento personal. Den oranan di anochi a reuni cu rumannan den Christo di e grupo The Voice of Jesus, na Modanza na cas di lieve Mama Hortencia, pa un anochi di oracion y gradicimento pa bida, pa amor, pa alegria y proteccion, guia pa ruman den Christo Sra. Lima Brete, asina bunita y elegante, nos ruman Gilbert Maduro y pa nos flamante bunita y carismatico Vidente Sra. Valerie Simon cu participacion di mas rumannan e.o. Mariana, Dora, Isidora, Sonia y Benita cu tambe a duna di nan parti den oracion. Como un extra bendicion di ariba hasta awa a yobe pa un rato.

Nos a celebra e bida di e Santo Rosa de Lima na un manera hopi trankil y

positivo masha dushi mes. Sra. Lima Brete a hasi un bunita magnifico trabao den presenta e storia di Rosa de Lima. E grupo The Voice of Jesus ya ta preparando pa e celebracion bunita di nan lider Vidente Valerie dia 4 di Oktober venidero su 25 anjanan fiel den Sirbishi. Dushi y bunita tawata tambe e anochi di Poetry Night na un lugar cu yama Kopi Kofi na Wayaca, cu a tuma lugar caba, pero ta te awor ela yega na beurt pa skirbi di dje. E tema e biaha aki tawata “Humor”. Lady Ruth a inspira un poema prosa pa cu e tema aki pa a purba di pone algun “smiles” ariba e caranan di e colega Poetan y publico presente. Nos a bisti “ya se sa” a la Frida Kahlo, un regalo di mi bunita prima Yvette Paulina Zichem. Na nos mesa a sinta:” Milly, Yvette, Ruthy y despues tambe Lilian alias artista Shi Prekke a join nos. Tawata reina un super dushi ambiente cu cos dushi di



come y bebe. Lady Ruth a comparti poeticamente su joke di Santa Hostia cu ela tuma pa prome biaha den un Misa na Corsouw hopi anja pasa, cu despues cu ela bay tuma aki na Aruba, e Pastoor a nenguele como 4 biaha, despues di a habri man, habri boka, pusha man mas dilanti etc. cu e Pastoor bisando cada biaha:”Curpa di Christo” sin duna Lady Ruth e pida cos rondo blanco, te ora cu e Pastoor a bisele:” Bo tin cu bisa:”Amen”. Uffffff. Awel si noh! Un harimento! Mas Poeta a recita y of declama nan poema cu un toke humoristico. Nos ta corda e joke di e casa di Celeste Richardson cu a puntra pakico e cacho a drenta misa? Niun tawata sa e contesta, cu tawata:” Pasobra e porta ta habri”, hahahahahaa. Ki bunita tawata e presentacion ar-

tistico di un grupo tipico cu canto y actuacion di Jhon Freddy Tobon Montoya y Lilian “Shi Prekke” cu e obra:”Dalhia”. Hopi pret mes. Pret y bunita. E binja a baha masha dushi mes, y, danki Dios no tawatatin ningun hende pa “taha” nos di bebe of di expresa nos arte di palabra. E siguiente Poetry Night lo ta fin di e luna aki di Augustus na Maggys na Playa den nan Cunucu Café. E tema ta “Wall flower” cu ta un crenchi delicado sigur, pasobra no ta tur hende tin e mesun durf di puntra, papia of actua pero ta keda isola apart sin wordo nota cu nan tey. Si, asina mes, no ta di un flor di naturaleza ta papiando, pero di un persona “verlegen” of keto cu ta wordo manera laga un banda dor di e otro hendenan presente. Ban wak

kiko ta e inspiracionnan e biaha aki. Nos ta desea nos lectornan un Bon dia yen di sabiduria den nos alegria y pa corda “smile”! Danki pa lesa nos relato cu hopi atencion di curason. Un “bearhug” pa boso di Lady Ruth.

Ah si! Danki pa tur bon comentario ricibi pa cu nos relato di siman pasa! Nos tey pa sirbi como Poeta, escritor y prohimo ruman! Corda shonnan, mannan ta pa caricia y bendiciona, no pa dal y golpea otro! Dios ta bon, Dios semper ta bon. Corda tin “algo” cu yama “Karma y Consenshi”.

Danki na prensa pa publica nos relatonan pa nos grandinan tambe lesa, pasobra no ta tur tin of por maneha celular of computer pa lesa cosnan on line. Lieve mensén, hopi danki!

Arma, marihuana, hopi droga y dos detencion na Sanicolas

—Cuerpo Policial Ta Informa—

UNIT NARCOTICA CU DOS DETENCION, HOPI DROGA Y ARMA DI CANDELA CONFISCA



Diasabra den oranan di atardi Unit Narcotica conhuntamente cu polis di San Nicolas a tene un accion grandi na San Nicolaas unda a haña un plantacion di marihuana y bastante pakete (kilo) di droga den e cas.

Tambe a canta bingo ora cu a haña un arma di candela y bastante municion. Unit Narcotica a detene un homber di inicial A.A.M. naci na Aruba di 32 aña y un dama inicial R.N.A. naci na Aruba di 25 aña di edad. No ta descarta cu lo por tin mas detencion. Unit Narcotica ta un unidad di Cuerpo Policial Aruba cu oficialmente a wordo lanta 1 augustus

2023. E unidad ta investiga tur loke ta bende-mento di droga for di casnan, ariba caya, delivery, plataforma social y hasta area di hotelnan. Tambe e unidad ta investiga tur droga cu wordo intercepta pa Douane, US Customs na aeropuerto, door di ambtenaarnan di KIA y tambe tur droga encontra durante cualkier control policial.

Pa Cuerpo Policial Aruba por resolve mas caso cooperacion y informacion di pueblo di Aruba ta hopi importante, pesey nos ta pidi si bo tin cualkier informacion yama nos tiplijn di Polis cu ta: 11141. Nos ta garantisa cu bo ta keda anonimo.



28 OCTOBER 2023

FUNDRAISING BINGO

SV ESTRELLA 75 ANIVERSARIO

CARD PRICE FL.10,- | HOUR 7:00 PM

1 100,=	4 150,=	7 250,=
2 100,=	5 200,=	8 300,=
3 150,=	6 250,=	9 500,=

2000,=

ESTRELLA **#NARANHADA** **Caribbean BINGO**

SV ESTRELLA FUNDA 1948

LIVE : CANAL 22/ RADIO TOP FM 95.1/
FACEBOOK PAGE & YOUTUBE CHANNEL CARIBBEAN BINGO

Dama crusando caminda no a pone bon tino y dal contra un auto cu tabata coriendo



Tanki Leendert: Diasabra den oranan di marduga riba e caminda di Tanki Leendert pa Solito, un poco pazuid di e rotonde di Watty Vos Boulevard, un dama a crusa caminda sin pone tino cu di panort tabata biniendo un Nissan March y e la dal contra e auto cu tabata bayendo direccion pazuid. E dama a dal su curpa basta fuerte contra e windshield banda robes di e auto. E impacto tabata fuerte y e dama a keda herida. Presencia di polis y ambulance a wordo pidi na e sitio, na yegada enberdad nan a bin topa cu e dama herida riba



vloer. Despues cu e paramediconan di ambulance a trata e dama na e sitio, a transport'e pa hospital.

Señor ta mi wardador, mi'n tin falta di nada.
Den cunucu di yerba berde, E ta ponemi sosega,
E ta hibami na awa trankil, pa mi bolbe haña forsa" -Salmo 23
Cu inmenso dolor na nos curason, pero conforme cu boluntad di Dios, nos ta anuncia fayecimento di nos kerida mama, wela y bisawela:

Sra. Theresa Kock

02-05-1935 - †21-08-2023
Na edad di 88 aña.



Na number di su:

Yuinan:

Edwin Kock

Leticia Kock y casa Kandy Rodriguez

Minerva Kock

Manera su yiu: Swinda Ridderstaat-De Mei y casa

Jacinto Ridderstaat

Nietonan y nietanan:

Elton Kock, Jearwin Kock, Fransi Frans, Zaithyel

Soekandar, Zyqion Soekandar, Benji Frans, Salome Kock

Manera su nieta: Thania Noguera

Bisanieta y bisanietanan:

Gzira Tromp, Jailyne Kock, Jace Kock, Matthew Kock,

Zani Soekandar

Manera su bisanieta: Cathrina Salas

Mayornan:

†Epifanio Kock y †Faustina Boekhoudt

Rumannan:

† Sabina Boekhoudt

† Jacobo Boekhoudt

† Anna Kock

Sobrinonan y sobrinanan:

Oscar Wester, Tico de Mei, Jenny Koolman, †Olimpio de

Mei, Maria Filomena de Mei, Juan Rafael Wallé, Carlos

Wallé, Veronica Wallé, Anthony Wallé, Edward Wallé

Demas famia: Kock, Boekhoudt, Frans, Soekandar,

Tromp, Koolman, De Mei, Wallé, Wester, Winterdaal,

Ridderstaat, Rodriguez, Diaz, Ernando, Barros, Redon-

do, Laclé, Brete, Nicolaas y Servinus.

Acto di entierro y oportunidad pa condolencia lo tuma

lugar dialuna, 28 di augustus 2023 di 2:00 - 4:00

p.m. na Aurora Funeral Home.

Despues lo sali pa santana Catolico na Paradera.

Nos ta expresa nos gratitud na dr. Nuris Lampe, dr. Kenneth Croes, dr. van Niel y nan staf completo, pa e trato y cuido cu cariño cu nan a brinda nos mama.

Nos disculpa si den nos momento di tristeza nos a lubida riba un famia of un persona pa gradisi.

Tambe nos ta pidi disculpa cu despues di entierro nos lo no risibi bishita di condolencia na cas.

PREPARACION A INICIA PA BON COMUN DEN BARIO DI DAKOTA



Dilanti di Misa Virgen di Fatima na Dakota vol-
untarionan di e bario di
Dakota y Tarabana a bini
hunto pa anuncia e ac-
cion di limpieza grandi
cu lo tuma lugar Diasabra
2 y Diadomingo 3 di sep-
tember. Simbolicamente
ExPromer Minister, Mike
Eman, a worde acompaña
pa un cantidad di hoben-
nan y representante di e

mundo di deporte, e es-
telar di team di Dakota,
Nickenson Paul y e rising
star di e mundo di MMA,
e hoben deportista, Sergio
Tromp. Despues a sigui
cu bishita den e bario pa
duna informacion y parti
sacunan di sushi pa worde
recohi riba dia 2 y 3 di
september.

THINK COMMON GOOD


Riba e dianan di e accion
grandi aki voluntarionan
di e bario y di rond Aruba
lo bini hunto cu truck y
pick-upnan cu lo pasa re-
cohe sacunan di sushi na
practicamente tur caya
di Dakota y Tarabana.
Durante henter siman e
voluntarionan di e accion
“Common Good in Your
Neighbourhood” lo pasa

laga sacunan di sushi na
mas tanto adres posibel pa
e casnan ta prepara pa en-
trega nan desperdicio na
e truck y pick-upnan cu lo
pasa pa recohe esakinan
dia 2 y 3 di september.

FRITS DE PALM
NETTO ZARA, JOHN
GOEDHOOP
JOSSY FRANKEN Y ADE-
LYN OLIVIEIRA

Di parti di e hobennan,
Frits de Palm, a splica cu
e esfuerzo comunitario
aki ta pa crea un conci-
entisacion mas grandi pa
e prioridad cu nos tin cu
duna na e BON COMUN
como meta pa cambion-
an importante pa Aruba.

“Nos hobennan ta muestra
cu nos por ta voluntario
pa cosnan positivo pa nos
isla. Nos ta bai cada cas,
cada caya den Dakota y
Tarabana cu un “GREEN
VIBE” como aliento al-
ternativa pa Aruba”, e ho-
ben entrepreneur Frits de
Palm a splica. Activistan-
an di Dakota y Tarabana,
Netto Zara y John (Wowo)
Goedhoop, Jossy Franken
y Adelyne Oliveira a invi-
ta henter e bario pa ta pre-
sente. Representantenan
di Dakota y Tarabana,
Arthur Dowers y Clifford
Heyliger, tambe a haci un
yamada na e comunidad
pa haci uso di e momento
di e proyecto comunitario
aki.



PRONOSTICO DI TEMPO

VALIDO TE DIALUNA 28 DI AUGUSTUS 2023, 18:00
ORA

TEMPO:
AWE TARDI Y AWE NOCHI: PARCIALMENTE NUBLA
CU UN POSIBLE AWACERO BREVE
DEN MARDUGA Y MAYAN: PARCIALMENTE NUBLA
CU UN AWACERO BREVE

TEMPERATURA MAXIMO 34 GRADO CELSIUS
TEMPERATURA MINIMO 28 GRADO CELSIUS
INDICE DI CALOR (HEAT INDEX) DEN Y ROND
DI ORANAN DI MERDIA: 35 PA 42 GRADO CELSIUS
UV INDEX: 12

TEMPO TROPICAL SIGNIFICANTE:
HORCAN FRANKLIN TABATA SITUA NA 900 KM
ZUID- ZUIDWEST
DI BERMUDA. FRANKLIN TA MOVIENDO NOORD-
NOORDWEST CU
13 KM/ORA. FRANKLIN NO TA UN PELIGRO PA AREA
LOCAL.

DEPRECION TROPICAL 10 A BIRA TROPICAL STORM
IDALIA
Y TABATA SITUA OOST-ZUIDOOST DI COZUMEL,
MEXICO, MOVIENDO NOORD. IDALIA NO TA UN
MENASA PA REGION LOCAL.

POTENCIAL DI AWACERO PA PROXIMO 24 ORA:
REGISTRACION DI TEMPERATURA (GRADO CEL-
SIUS) Y
AWACERO (MM) DEN ULTIMO 24 ORA (8'AM PA
8'AM):
AIRPORT : MAX 33 / MIN 28 / 0.8 MM
WESTPUNT: MAX 33 / MIN 28 / 0.3 MM
STA ROSA: MAX 33 / MIN 28 / 0.7 MM

Dos cabayero di edad; kier a dal otro despues di algun bebida

Santa Cruz - Diabierna anochi automobilistanan pasando altura di Cede di Mep na Santa Cruz a tuma nota cu dos homber tawata bringa cu otro.

Polis cu a wordo avisa a yega y a constata cu berdad tawata tin dos homber na e sitio. A ripara cu ambos tawata bebi.

Segun esnan pasando, un di nan tawata tin un pata di cabra(koevoet) y lo tawata kier a usa esaki ariba su "amigo".



Polis a logra haya e pata di cabra y a kita esaki for di e cabayero, evitando un drama.

Wardacosta ta asisti boto The Hook na Rancho Clemente



	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	



E boto, The Hook cu parcialmente a zink despues di e yobida di awa fuerte na Aruba recientemente, a ser asisti pa e punto di sosten di Wardacosta na Aruba. E boto tawata na Rancho Clemente na su lugar di ankra y a bai bow di awa parcialmente despues di e yobida di awa pa motibu di orcan Franklin. Wardacosta a bai Rancho Clemente y a yuda e capitan cu ekiponan pa pomp tur e awa for di e embarcacion. Durante di e pompmento di awa, e boto a subi poko poko bin superficie bek. E capitan di e boto The Hook tawata hopi contento cu Kustwacht a yud'e salba su boto.

CENTRO DI BARIO LAGO HEIGHTS TA LANSA SU CAMPAÑA NOBO ‘LEARNING LINKS’

San Nicolas, Aruba (Augustus 2023) – Centro di Bario Lago Heights (CBLH) tin e grato placer di anuncia su programa nobo cu lo inicia na september bou di number di ‘Learning Links’ na San Nicolas



be nos mayornan adulto (60+) pa uni, siña hunto y sostene otro den un ambiente sano. Ta un hecho, cu ora mayoria ciudadano di un pais experiencia crecemento personal, facilmente comunidad tambe lo progresa. ‘Learning Links’ lo brinda grandi y chikito chens pa cultiva e sentimento di por siña cos nobo, di sinti nan mes capas, balora y aprecia. Lo combina charla y participacion activo pa brinda un miho experiencia y crecemento riba tereno social, emocional of recreacional. Si logra aumenta e potencial di participantenan y tambe fortalece e union, of ‘link’, entre individuonan cu e proyecto aki, ‘Learning Links’ lo ta wordo considera exitoso. Pueblo ta keda invita pa registra pa e proyecto aki p’asina hunto nos descubri talento y habilidadnan nobo.

CBLH kier recorda Pueblo di su otro actividadnan akinan na San Nicolas, entre otro ‘Scol di Percusion

di CBLH’ cu Sr. Vio Wester y grupo ‘Forever Young’ pa adulto mayor y ademas lo sigui brinda comunidad su servicio di facilidad pa reunion y celebracion. Recientemente a inicia colaboracion cu 2 artista cu ta Sra. Indra Stamper y Sra. Tracy Halman cu lo start lesnan di cosemento pa hoben y tambe les di Foam-Art pa adulto mayor. Tipico ‘Grupo Tramus’ tambe a uni forsa cu CBLH y lo toca tur fin di luna durante e fiesta di bario. Asociacion ‘Aruba Flight Simulator Club’ recientemente tambe a cera acuerdo cu CBLH y lo organisa su famoso exposicion pa tur amante di Aviacion durante luna di september na CBLH.


CBLH ta gradici tur esnan

envolvi den e proyecto aki, en particular CEDE ARUBA y ‘SAMENWERKENDE FONDSEN CARIBEN’ pa nan sosten inmenso. Mas cu claro CBLH ta extende un invitacion grandi na tur instancia cu ainda lo kier yuda aporta na nos proyecto y tambe tur boluntario eyfo. Pa registracion y mas informacion por tuma contacto libremente cu Shalinie Flores na Cel.: 560-5588 of tel.: 584-8777.

Por ultimo, ta invita grandi y chikito pa ‘Like & Follow’ gusta y sigui CBLH riba Facebook, Instagram y Tiktok p’asina semper keda al tanto di tur actividad cu nos ta brinda comunidad cu hopi Amor y Dedicacion.

E Proyecto aki lo core di september 2023 te cu april 2024 y lo consisti di varios tayer cu ta trata diferente disciplina y area di desarojo, incluyendo: Plantacion, Arte y Expresion, Recreacion Educativo pa Famia, Cosemento, Arte Culinario Sostenibel, Empoderacion Propio, Talento y Pasion y Resiliencia. Ademas, lo tin un Grupo di Sosten pa Mayor y lo termina tur luna cu un fiesta

di Bario unda lo presenta e resultado di cada tayer y unda lo celebra tambe nos dushi San Nicolas. ‘Learning Links’ ta wordo presenta conhuntamente cu Fundacionnan, Profesionan y Comerciantenan y lo enfoca riba aspectonan util cu participantenan lo por aplica mes ora den nan bida diario. A crea ‘Learning Links’ pa yuda hoben, famia y tam-




Publica serka nos anuncio di fayecimento di bo ser keri.
Nos tin 2 pakete pa ofrese;

Pakete 1: Anuncio di fayecimento te dia cu e defunto ser dera
Gradicimento y invitashon pa misa pa 3 dia Afl 250,00














Pakete 2: Anuncio di fayecimento te dia cu e defunto ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

**Pa mas informashon por tuma contacto cu oficina na
585-9500 of na 741-4554 puntra pa**



Paardenbaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 27 Aug 2023 Merdia

 <p>Sorteo # 4015 3370 1531 4919  FP  Sorteo # 4015 3275</p>	 <table><tr><th>Sorteo #</th><th>Joker</th><th>Letter</th></tr><tr><td>0 x Jackpot</td><td></td><td></td></tr><tr><td>0 x Match 4+</td><td></td><td></td></tr><tr><td>0 x match 4</td><td></td><td></td></tr><tr><td>0 x Afl. 12,00</td><td></td><td></td></tr></table> <p>445.000,-</p>	Sorteo #	Joker	Letter	0 x Jackpot			0 x Match 4+			0 x match 4			0 x Afl. 12,00		
Sorteo #	Joker	Letter														
0 x Jackpot																
0 x Match 4+																
0 x match 4																
0 x Afl. 12,00																
 <p>Sorteo # 6221 0 x Jackpot 1 x Match 4 83 x Afl 8,00</p>	<p>07-09-14-25-30</p> <p>Proximo Jackpot 51.000,-</p>															
 <p>Sorteo # 2071 7856</p>	 <table><tr><th>Sorteo #</th><th>Mega Ball:</th></tr><tr><td>0 x Jackpot</td><td></td></tr><tr><td>0 x match 4</td><td></td></tr><tr><td>0 x Afl. 500,00</td><td></td></tr><tr><td>0 x Afl 50,00</td><td></td></tr><tr><td>0 x Afl.15,00</td><td></td></tr></table> <p>380.000,-</p>	Sorteo #	Mega Ball:	0 x Jackpot		0 x match 4		0 x Afl. 500,00		0 x Afl 50,00		0 x Afl.15,00				
Sorteo #	Mega Ball:															
0 x Jackpot																
0 x match 4																
0 x Afl. 500,00																
0 x Afl 50,00																
0 x Afl.15,00																
 <p>Sorteo # 4015 2875 Capricornio</p>	 <p>Afl. 520.000,-</p>															
 <p>Sorteo # 889 349  X2</p>	 <p>Sorteo #</p> <div></div>															